

Ag dul chuig an gCúirt mar Fhinné

Oifig an
Office of the



Stiúrthóra Ionchúiseamh Poiblí
Director of Public Prosecutions

Réamhrá

I gcás cuid mhór íospartach agus finnétithe is ionann dul chun na cúirte agus ócáid strusmhar. Má bhíonn ort fianaise a thabhairt le linn trialach coiriúla, tá súil againn go gcabhróidh an leabhrán seo leat tuiscint a fháil ar cad a tharlaíonn sa chúirt.

Déantar iarracht leis an leabhrán seo freagra a thabhairt ar na ceistanna is minice a bhíonn ag daoine. Ní dhéileáiltear le gach cor a d'fhéadfadh a bheith ann agus níl sé beartaithe go mbeadh comhairle dlí as an leabhrán seo agat. Sa chás go bhfuil comhairle dlí de dhíth ort, ba chóir labhairt le haturnae

Tá leabhrán againn chomh maith ar 'Ról an Stiúrthóra Ionchúiseamh Poiblí' ina mínítear go simplí an obair a dhéanann Oifig an Stiúrthóra Ionchúiseamh Poiblí (DPP). Maidir le cur síos níos mionsonraithe ar obair na hOifige, tá sin le léamh i 'Treoirínte d'Ionchúisitheoirí'.

Is féidir leat cóipeanna de na foilseacháin seo a iarraidh ón Oifig (féach na mionsonraí teagmhála ar leathanach 27) nó is féidir leat iad a léamh ar ár láithreán gréasáin **www.dppireland.ie**. Tá roinn ag an láithreán gréasáin seo chomh maith d'íospartaigh agus d'fhinnétithe a d'fhéadfadh a bheith ina chúnaimh duit.

Ag dul chuig an gCúirt mar Fhinné

Oifig an Stiúrthóra Ionchúiseamh Poiblí



Mar eolas

Tá cóipeanna clóite den leabhrán seo ar fáil i nGaeilge agus i mBéarla ón Oifig. Féach ar na mionsonraí teagmhála ar leathanach 27.

Is féidir leat an leabhrán a íoschóipeáil in aon cheann de na teangacha sin ach cuairt a thabhairt ar an láithreán gréasáin **www.dppireland.ie**:

- Gaeilge
- Béarla
- Arabais
- Francis
- Laitvis
- Liotuáinis
- Polainnis
- Portaingéilis (Brasaíleach)
- Rómáinis
- Rúisis
- Síneach (Mandairínis)
- Spáinnis



Ag dul chuig an gCúirt mar Fhinné

Oifig an Stiúrthóra Ionchúiseamh Poiblí



Clár

Bunfhíricí

1. Cad a dhéanann an Stiúrthóir Ionchúiseamh Poiblí (DPP)? 8
2. Cad a dhéanann an Príomh-Atur nae Ionchúisimh? 8
3. Cad a tharlaíonn tar éis do dhuine coir a thuairisciú? 8
4. An bhfuil cineálacha éagsúla cionta coiriúla ann? 9
5. Cad iad na cúirteanna ina ndéileáiltear le coireanna? 10
6. An féidir liom gearán a dhéanamh le hOifig an DPP? 11

A bheith mar fhinné

7. Cé hiad na daoine ar féidir leo a bheith ina bhfínnéithe i gcás coiriúil? 12
8. Sa chás gur finné mé, conas a ghlaofar orm chun fianaise a thabhairt? 12
9. Cad a tharlaíonn nuair a bhíonn an cúisí cúisithe ag na Gardaí? 12
10. Sa chás gur finné nó íospartach mé, an féidir liom leabhar na fianaise a fheiceáil? 13
11. An mbíonn an fóirse bunaithe ar leabhar na fianaise? 13
12. Cad is teistíocht ann? 13

An cás cúirte

13. Cad a tharlaíonn nuair a thosaíonn an cás sa chúirt? 14
14. An bhfuil aon chúis ann nach leanfaí ar aghaidh le triail? 16
15. Cad is athbhreithniú breithiúnach ann? 17

Cúnamh d'fhinnéithe agus d'íospartaigh

16. Cén cúnamh a bheidh ar fáil domsa más gá dom fianaise a thabhairt mar íospartach coireachta? 17
17. Cén cúnamh a bheidh ar fáil domsa maidir leis an gcostas dul chuig an gcúirt chun fianaise a thabhairt? 18
18. Sa chás go mbeidh fianaise á tabhairt agam mar íospartach, an mbuailfidh mé le foireann an ionchúisimh roimh an triail? 18
19. Cad a tharlaíonn ag an gcruinniú roimh an triail? 19
20. Sa chás gur íospartach coireachta mé, an féidir liom taifead i scríbhinn den triail a fheiceáil? 19
21. Cad a tharlaíonn mura dteastaíonn uaim a bheith sa seomra cúirte in éineacht leis an gcúisí agus mo chuid fianaise á tabhairt agam? 19
22. Cad iad na finnéithe ar féidir leo físnasc a úsáid? 20
23. Sa chás gur íospartach coireachta mé, an féidir liom dlíodóir a fháil chun feidhmiú thar mo cheann sa chúirt? 20

24.	An gcoimeádfar m'ainm faoi cheilt nuair a thugaim fianaise?	21
25.	An dtabharfar ainm an té atá cúisithe go poiblí?	22
26.	Sa chás gur íospartach coireachta mé, conas a fhaigheann an breitheamh agus an giúiré amach cad é an éifeacht a bhí ag an gcoir orm?	23
27.	Sa chás gur íospartach mé, an bhfuil sé de cheart agam cúiteamh a fháil?	23

Cás a achomharc

28.	An féidir leis an gcúisí achomharc a dhéanamh i gcoinne an chiontaithe nó na pianbhreithe?	24
29.	An féidir leis an DPP achomharc a dhéanamh i gcoinne na pianbhreithe?	25
30.	Cé hiad na daoine ar féidir leo a iarraidh ar an DPP achomharc a dhéanamh i gcoinne na pianbhreithe?	25
31.	Conas a dhéanann breithiúna sa chúirt achomhairc athbhreithniú ar phianbhreith?	26
•	Conas teagmháil a dhéanamh le hOifig an DPP	27
•	Teagmhálacha úsáideacha eile	28
•	An tEagar atá ar Oifig an DPP	30
•	Innéacs	32

Bunfhíricí

1. Cad a dhéanann an Stiúrthóir Ionchúiseamh Poiblí (DPP)?

Socraíonn an DPP cibé an chóir daoine a chúiseamh nó nár chóir maidir le coireanna a dhéanamh– is é sin, an duine a 'ionchúiseamh'. Is é an DPP a shocraíonn an chúis a chuirfear i leith an duine freisin. Ó chuirtear tús leis an ionchúiseamh, is é Oifig an DPP a bhíonn freagrach as cas an ionchúisimh.

2. Cad a dhéanann an Príomh-Atur nae Ionchúisimh?

Feidhmíonn an Príomh-Atur nae Ionchúisimh ina atur nae ag an DPP agus ina cheannasaí ar Rannán na nAtur naetha in Oifig an DPP. Feidhmíonn foireann Rannán na nAtur naetha thar ceann an DPP i ngach cas ar i mBaile Átha Cliath a bhíonn an chúirt. Feidhmíonn Atur naetha Stáit Áitiúla thar ceann an DPP nuair is lasmuigh de Bhaile Átha Cliath a bhíonn an chúirt.

3. Cad a tharlaíonn tar éis do dhuine coir a thuairisciú?

Bíonn roinnt céimeanna le glacadh tar éis do dhuine coir a thuairisciú leis an nGarda Síochána (na Gardaí):

- Breacann na Gardaí ráiteas finné ón íospartach nó ón duine a thuairiscíonn coir. Is ionann ráiteas finné agus taifead i scríbhinn ar an ngearán.
- Déanann na Gardaí imscrúdú i leith na coire.

- Ag brath ar a bhfaightear amach, d'fhéadfadh go ngabhfadh na Gardaí an duine a bhfuil amhras faoi go ndearna sé/sí an choir (an té atá faoi amhras).
- Is iad na Gardaí nó an DPP a dhéanfaidh cinneadh an ndéanfar ionchúiseamh. I gcásanna tromchúiseacha, seolann na Gardaí comhad chuig an DPP agus is é an DPP a dhéanann an cinneadh. I gcás cásanna nach mbíonn chomh tromchúiseach céanna, déanann na Gardaí an cinneadh cé go ndéantar an ionchúiseamh in ainm an DPP agus tá an ceart ag an DPP insint do na Gardaí conas déileáil leis an gcás.
- Ansin cúisíonn na Gardaí an duine a bhfuil amhras faoi go ndearna sé/sí an choir.
- Tugann na Gardaí an duine atá faoi amhras chuig breitheamh de chuid na Cúirte Dúiche. Ón am sin ar aghaidh, 'an cúisí' a thugtar ar an duine atá faoi amhras.
- Socraíonn an breitheamh cibé ar chóir an duine a choimeád sa phríosún (faoi choimeád) go dtí go dtosaíonn an triail nó ar chóir é/í a scaoileadh amach ar bhannaí.
- Socraítear dáta don chúirt.
- Cuirtear tús leis an gcás sa chúirt.

4. An bhfuil cineálacha éagsúla cionta coiriúla ann?

Tá dhá chineál coire ann – cionta achoimre agus cionta indíotáilte.

Cionta Achoimre:

- is cionta iad nach bhfuil chomh tromchúiseach sin;
- éistean breitheamh iad gan ghiúiré sa Chúirt Dúiche;
- is tréimhse 12 mí an phianbhreith príosúnachta is troime maidir le cion amháin (ach féadfaidh an breitheamh i roinnt cásanna pianbhreith príosúnachta de 2 bhliain ar a mhéid a ghearradh sa chás go mbíonn níos mó ná aon chion amháin i gceist).

Cionta Indíotáilte:

- is cionta níos tromhchúisí iad;
- éistean breitheamh agus giúiré iad sa Chúirt Chuarda nó sa Phríomh-Chúirt Choiriúil;
- déileáiltear leo uaireanta sa Chúirt Choiriúil Speisialta ina suíonn triúr breitheamh gan ghiúiré;
- bíonn pionóis níos troime ann, lena n-áirítear príosúnacht saoil i gcás coireanna áirithe.

5. Cad iad na cúirteanna ina ndéileáiltear le coireanna?

Tá ceithre chineál cúirt ann – An Chúirt Dúiche, An Chúirt Chuarda, An Phríomh-Chúirt Choiriúil agus An Chúirt Choiriúil Speisialta.

An Chúirt Dúiche

Seo í an chéad Chúirt a dtugann Gardaí an cúisí inti. Déanann breitheamh na nithe seo a leanas sa Chúirt Dúiche:

- éisteann sé/sí mionsonraí faoi na cúisimh atá tugtha i gcoinne an chúisí;
- deir sé/sí an bhfuil an cás réidh lena thriail; agus
- éisteann sé/sí trialacha i gcásanna nach bhfuil chomh tromchúiseach sin (cionta achoimre) gan ghiúiré.

Is féidir leis an gcúisí pléadáil 'ciontach' nó 'neamhchiontach'. Má phléadálann an cúisí 'neamhchiontach' sa Chúirt Dúiche, glaofaidh an t-ionchúiseamh finnétithe chun fianaise a thabhairt d'fhonn iarracht a dhéanamh cruthú go bhfuil an cúisí ciontach.

An Chúirt Chuarda agus an Phríomh-Chúirt Choiriúil

Sna cúirteanna seo seoltar trialacha maidir le cionta a bhíonn níos tromchúisí ná iad sin a sheoltar sa Chúirt Dúiche. Sna cúirteanna sin, suíonn giúiré i gcomhar leis an mbreitheamh. Is iad an giúiré a shocraíonn an mbíonn an cúisí ciontach nó neamhchiontach.

An Chúirt Choiriúil Speisialta

Tá an chúirt seo cosúil leis an gCúirt Chuarda agus leis an bPríomh-Chúirt Choiriúil, ach amháin:

- ní bhíonn aon ghiúiré inti; agus
- éisteann triúr breitheamh gach cás.

6. An féidir liom gearán a dhéanamh le hOifig an DPP?

Is féidir. Má bhíonn gearán agat maidir le mar a oibríonn Oifig an DPP is féidir leat teagmháil a dhéanamh linn ag an Oifig – féach ar na mionsonraí teagmhála ar leathanach 27.

A bheith mar fhinné

7. Cé hiad na daoine ar féidir leo a bheith ina bhfinnéithe i gcás coiriúil?

Is féidir leis an ionchúiseamh nó an chosaint – is iad sin a bhíonn ag cosaint an chúisí - aon duine a bhfuil eolas aige/aici faoi choir, lena n-áirítear an t-íospartach, a ghlaoch chun a bheith ina fhinné nó ina finné ag triail.

8. Sa chás gur finné mé, conas a ghlaofar orm chun fianaise a thabhairt?

Gheobhaidh tú ordú ón gcúirt chun fianaise a thabhairt ag am áirithe agus in áit áirithe – tugtar ‘toghairm finné’ ar an ordú sin. Gheobhaidh tú an toghairm sin ó na Gardaí.

9. Cad a tharlaíonn nuair a bhíonn an cúisí cúisithe ag na Gardaí?

I gcásanna níos tromchúisí, nuair a bhíonn an cúisí cúisithe ag na Gardaí, cuirfidh foireann an ionchúisimh an fhianaise i gcoinne an chúisí le chéile. Is éard a thugtar ar an doiciméad ina mbíonn an fhianaise sin ná ‘leabhar na fianaise’ agus is cuid an-tábhachtach den chás é.

Leabhar na fianaise:

- bíonn ráitis ó fhinnéithe ann, lena n-áirítear an t-íospartach;
- bíonn doiciméid eile ann mar aon le liosta d’aon fhianaise fhisiciúil, mar ghrianghraif nó airm a thaispeánfar sa chúirt.

Nuair a bhíonn an fhianaise ar fad a theastóidh sa triail ón ionchúiseamh cruinnithe, tabharfaidh na Gardaí cóip de leabhar na fianaise don chúisí. Nuair a tharlóidh sé sin, socrófar dáta don triail.

10. Sa chás gur finné nó íospartach mé, an féidir liom leabhar na fianaise a fheiceáil?

Ní féidir. Is féidir leat cóip de do ráiteas féin a fheiceáil, ach ní féidir leat leabhar na fianaise ina iomláine a fheiceáil.

11. An mbíonn an fíoras bunaithe ar leabhar na fianaise?

Ní bhíonn. Socraíonn an chúirt agus an giúiré an bhreith sa chás bunaithe ar an bhfianaise a chloistear i rith na trialach, ní de bhun a mbíonn i leabhar na fianaise.

12. Cad is teistíocht ann?

Is ionann teistíocht agus ráiteas faoi mhionn de chuid finné (gealltanús ceangailteach de réir dlí ar an bhfinné an fhírinne a insint). Is féidir leis an ionchúiseamh agus leis an bhfoireann cosanta a iarraidh ar an mbreitheamh cead a thabhairt dóibh fianaise a ghlacadh faoi mhionn roimh an triail. Má aontaíonn an breitheamh leis, cuirfidh aturnae nó abhcóide ceisteanna ort i seomra na cúirte agus tú faoi mhionn. Is féidir leis an taobh eile ceisteanna a chur ort freisin.

Scríobhfaidh siad síos do chuid freagraí. Nuair a bheidh an fhianaise tugtha agat, léifidh cléireach na cúirte an teistíocht os ard duit. Má aontaíonn tú go bhfuil an teistíocht i gceart síneoidh tú é.

An cás cúirte

13. Cad a tharlaíonn nuair a thosaíonn an cás sa chúirt?

I gcásanna os comhair giúiré, déanann abhcóide a bhíonn ag obair don DPP cás an ionchúisimh a thíolacadh. Bíonn aturnaí ionchúisimh a bhíonn ag obair don DPP ann freisin. Thar ceann mhuintir na hÉireann a fheidhmíonn an fhoireann ionchúisimh seachas thar ceann aon duine amháin faoi leith. Mar sin, cé gur m'fhéidir gur tusa íospartach na coireachta, ní bheidh an DPP ag feidhmiú thar do cheann mar dhuine aonair.

Tosaíonn an t-abhcóide trí mhíniú a thabhairt don ghiúiré faoi ábhar an cháis. Glaonn sé nó sí ar na finnéithe ansin ina nduine agus ina nduine. Nuair a ghlaonn an t-abhcóide ortsa mar fhinné, ní mór duit an fhírinne a insint de réir an dlí.

Déantar cur síos sna míreanna a leanas ar phríomhghnéithe cás cúirte:

Lucht an ghiúiré

Níor chóir go mbeadh aithne agat ar aon duine ar an ngiúiré. Sa chás go bhfuil, ba chóir duit sin a chur in iúl d'aturnaí nó d'abhcóide an ionchúisimh. Cinnteoidh an breitheamh nach gceadófar d'aon duine a bhfuil aithne aige/aici ar an íospartach nó ar an gcúisí nó a bhfuil aon bhaint eile acu leis an gcás suí ar an ngiúiré.

Fianaise a thabhairt

Cuirfidh abhcóide an ionchúisimh ceisteanna ort chun do chuid fianaise a fháil. Nuair a chríochnaíonn an t-ionchúiseamh do do cheistiú, is féidir leis an gcosaint tú a cheistiú. Tugtar croscheistiú air sin.

Tús a chur leis an gcosaint

Nuair a chríochnaíonn an t-ionchúiseamh ag ceistiú a gcuid finnéithe go léir, cuireann foireann na cosanta tús lena gcás féin.

Is féidir leo roinnt rudaí a dhéanamh.

- Is féidir leo finnéithe a ghlaoch chun tacú leis an gcosaint. Má dhéantar amhlaidh is féidir leis an ionchúiseamh finnéithe na cosanta a chroscheistiú.
- Is féidir leo an cúisí a ghlaoch chun fianaise a thabhairt. Má dhéantar amhlaidh is féidir leis an ionchúiseamh an cúisí a chroscheistiú.
- Is féidir leo a rá nach bhfuil an cás cruthaithe ag an ionchúiseamh. Is féidir seo a dhéanamh mar nach mór don ionchúiseamh, de réir an dlí, a chruthú go bhfuil an cúisí ciontach, ach ní gá don chúisí a chruthú go bhfuil sé/sí neamhchiontach. Ní cheadaítear don ghiúiré glacadh leis, i gcás nach dtugann cúisí fianaise, go bhfuil sé/sí ciontach.

An fíoras a bhreithniú

Nuair a bhíonn foirne an ionchúisimh agus na cosanta críochnaithe lena gcuid finnéithe:

- cuireann siad a gcás i láthair an ghiúiré;
- tugann an breitheamh achoimre ar an bhfianaise, míníonn sé/sí an dlí don ghiúiré agus ínsíonn sé/sí don ghiúiré cad atá le breithniú le go bhféadfaidh siad teacht ar a gcinneadh deiridh nó ‘fíoras’; agus
- téann an ghiúiré chun a seomra chun fíoras a bhreithniú.

Má fhaightear an cúisí neamhchiontach, tá sé/sí saor chun imeacht. Mura mbíonn an ghiúiré in ann teacht ar

chomhaontú maidir le fíoras, caithfidh an DPP cinneadh a dhéanamh i dtaobh an chóir triail nua a bheith ann. Má fhaigheann an giúiré an cúisí ciontach, caithfidh an breitheamh an phianbhreith a chinneadh.

Pianbhreith a ghearradh ar an gcúisí

Ní móide go ndéanfadh an breitheamh cinneadh faoin bpianbhreith sin láithreach. Is iondúil go socraíonn an breitheamh dáta is faide anonn d'fhógairt na pianbhreithe. Sin ionas gur féidir le hoifigigh phromhaidh, oibrithe sóisialta, dochtúirí, síciatraithe nó na Gardaí – ag brath ar gach cás ar leithligh – tuarascálacha a ullmhú.

Cabhraíonn na tuarascálacha sin leis an mbreitheamh cinneadh a dhéanamh maidir leis an bpianbhreith. I gcás cionta de chineál gnéasach nó foréigneach, d'fhéadfadh sé tarlú go mbeadh Ráiteas maidir le Tionchar ar Íospartach ann. Déantar cur síos sa ráiteas ar an éifeacht a bhí ag an gcion ar an íospartach.

14. An bhfuil aon chúis ann nach leanfaí ar aghaidh le triail?

Uaireanta ní féidir leanúint ar aghaidh le triail ar an dáta a bhíonn socraithe ar chúiseanna éagsúla, mar shampla:

- ní bhíonn finné tábhachtach ar fáil mar gheall ar bhreiteacht;
- ní bhíonn foireann dlí na cosanta réidh le leanúint ar aghaidh;
- bíonn liosta na cúirte lán agus ní bhíonn aon bhreitheamh ná cúirt réidh chun déileáil leis an gcás; nó
- bíonn tús curtha ag an bhfoireann cosanta le 'hathbhreithniú breithiúnach' chun stop a chur le leanúint ar aghaidh na trialach.

15. Cad is athbhreithniú breithiúnach ann?

Tá cineálacha éagsúla athbhreithnithe breithiúnacha ann. Le cineál coitianta, iarrann an cúisí ar an Ard-Chúirt stop a chur le cúirt na trialach nó leis an DPP leanúint ar aghaidh leis an triail. Mar shampla, iarrann duine cúisithe ar an Ard-Chúirt stop a chur leis an triail mar gheall ar na nithe a leanas:

- gur thóg imscrúdú nó ionchúiseamh na coireachta ró-fhada; nó
- go raibh an oiread sin de mhoill sa chás nach féidir leis an gcúisí triail chothrom a fháil.

Má aontaíonn na Cúirteanna an triail a stopadh, scaoiltear saor an cúisí. Fiú amháin mura n-éiríonn le hathbhreithniú breithiúnach, d'fhéadfadh sé moill an-fhada a chur leis an triail.

Cúnamh d'fhinnéithe agus d'íospartaigh

16. Cén cúnamh a bheidh ar fáil domsa más gá dom fianaise a thabhairt mar íospartach coireachta?

Oibreoidh an t-atornae ionchúisimh i gcomhar leis na Gardaí lena chinntiú go mbíonn tú ar an eolas i gcónaí i dtaobh cad a bhíonn ag tarlú sa chás.

Tá roinnt eagraíochtaí ann freisin a chuireann cúnamh ar fáil duit trí sheirbhís tacaíochta cúirteanna. Ciallaíonn sin go dtiocfaidh oibrí deonach chun na cúirte in éineacht leat, dá mba mhian leat é, agus go bhfanfaidh sé nó sí i do chomhluadar an t-am ar fad. Tugann an Líne Cabhrach d'Íospartaigh Choireachta, a chuireann seirbhís tacaíochta ar an teileafón ar fáil d'íospartaigh choireachta, mionsonraí teagmhála duit maidir le seirbhís tacaíochta cúirte agus

seirbhísí tacaíochta eile d'íospartaigh. Is féidir glaoch ar an Líne Cabhrach d'Íospartaigh Choireachta ar 1850 211 407 nó is féidir téacs a sheoladh chuig 085 133 7711.

17. Cén cúnamh a bheidh ar fáil domsa maidir leis an gcostas dul chuig an gcúirt chun fianaise a thabhairt?

Is iad na Gardaí a bhíonn freagrach as costais fhinnéithe a íoc. Sin an costas a bhaineann leatsa ag teacht chun na cúirte chun fianaise a thabhairt. D'fhéadfadh go mbeadh costais taistil, béilí agus, i roinnt cásanna, lóistín, i gceist leis na costais.

Is é/í Ceannfort (Oifigeach Dúiche) na nGardaí sa cheantar ina dtógtar an gcás a íocann na costais leatsa. Féadfaidh an Garda a bhíonn ag plé le do chás é sin a shocrú duit. D'fhéadfadh seisean nó sise admhálacha airgeadais a iarraidh maidir le do chuid costais.

I roinnt cásanna, d'fhéadfadh go mbeifeá in ann réamhíocaíocht a fháil maidir le costais sula dtosaíonn an cas ionas go mbíonn ar do chumas taisteal go dtí an chúirt.

18. Sa chás go mbeidh fianaise á tabhairt agam mar íospartach, an mbuailfidh mé le foireann an ionchúisimh roimh an triail?

De ghnáth, beidh tú in ann bualadh le foireann an ionchúisimh ag cruinniú roimh an triail. Is leis an nGarda a bhíonn i mbun an ionchúisimh, an t-atornae ionchúisimh agus an abhcóide a bhíonn ag plé leis an gcás a bhíonn an cruinniú roimh an triail. I gcásanna níos tromchúisí, mar shampla cionta gnéasacha tairgfidh an t-atornae ionchúisimh cruinniú den sórt sin a shocrú duit sula gcuirfead tús leis an triail.

Sa chás gur mhaith leat cruinniú agus nár tairgeadh sin duit fós, ba chóir duit sin a rá leis an nGarda a bhíonn ag breathnú amach don chás. Rachaidh an Garda i dteagmháil le hOifig an DPP nó leis an t-aturnae stáit áitiúil chun an cruinniú a shocrú.

19. Cad a tharlaíonn ag an gcruinniú roimh an triail?

Tugann cruinniú roimh an triail deis don abhcóide agus don aturnae míniú a thabhairt duit ar cad a tharlaíonn sa chúirt. Ach tá rialacha daingin ann a choisceann iad labhairt leat faoin bhfianaise a thabharfaidh tú. Ciallaíonn sé sin nach féidir le duine ar bith a éileamh gur dúradh leat cad ba chóir duit a rá sa chúirt.

20. Sa chás gur íospartach coireachta mé, an féidir liom taifead i scríbhinn den triail a fheiceáil?

Tugtar scríbhinn ar thaifead i scríbhinn na trialach. D'fhéadfadh go dtabharfaí an scríbhinn d'fhoirne an ionchúisimh agus na cosanta tar éis na trialach a bheith críochnaithe agus sa chás go mbeadh achomharc i gceist. Ní féidir le haon duine ach amháin an breitheamh a rá go bhfuil cead agat an scríbhinn a fheiceáil.

21. Cad a tharlaíonn mura dteastaíonn uaim a bheith sa seomra cúirte in éineacht leis an gcúisí agus mo chuid fianaise á tabhairt agam?

De ghnáth, bíonn ort do chuid fianaise a thabhairt i seomra na cúirte. I gcásanna áirithe áfach, is féidir leat fianaise a thabhairt trí fhísnasc, is é sin le rá, trí chóras beo naisc teilifíse. Tá roinnt buntáistí aige sin:

- Tugann tú do chuid fianaise os comhair ceamara in ionad eile d'fhoirgneamh na cúirte atá scoite amach ón seomra cúirte.
- Is féidir leis an bhfoireann dlí ceisteanna a chur ort amhail is dá mbeifeá i do shuí os a gcomhair amach.
- Feicfidh an chúirt tú ag tabhairt d'fhianaise ar scáileán teilifíse. Ní fheicfear áfach, ach an duine a bhíonn ag cur na gceisteanna, ní an duine cúisithe.

22. Cad iad na finnétithe ar féidir leo físnasc a úsáid?

I gcásanna a bhaineann le cionta de chineál gnéasach nó foréigneach, is féidir le finnétithe faoi bhun ocht mbliana déag d'aois nó le finnétithe atá faoi mhíchumas foghlama úsáid a bhaint as físnasc chun a gcuid fianaise a thabhairt – mura rud é go measann an breitheamh nach mór dóibh a bheith i láthair i seomra na cúirte.

Má úsáideann tú físnasc, cuideoidh duine ón tSeirbhís Chúirteanna leat agus tú sa seomra físnaisc. Más mian leat, is féidir leat deis a lorg chun an seomra sin a fheiceáil roimh an triail chun go mbeidh cleachtadh agat a bheith ann nuair a bheidh do chuid fianaise le tabhairt agat.

In aon chás eile, ní féidir físnasc a úsáid ach amháin má cheadaíonn an chúirt sin duit.

23. Sa chás gur íospartach coireachta mé, an féidir liom dlíodóir a fháil chun feidhmiú thar mo cheann sa chúirt?

Ní féidir le dlíodóir feidhmiú thar do cheann ach amháin sa chás gur íospartach ciona ghnéasaigh tromchúiseach tú agus gur mhian le foireann na cosanta tú a chroscheistiú

maidir le do chúlra gnéasach. Ní féidir leo é sin a dhéanamh ach amháin má cheadaíonn an breitheamh é. Is féidir le dlíodóir feidhmiú thar do cheann sa chúirt nuair a bheidh an fhoireann cosanta ag lorg cead ar an mbreitheamh.

Cuirfidh An Bord um Chúnamh Dlíthiúil dlíodóir ar fáil duit saor in aisce. Socróidh an dlíodóir ionchúisimh a bhíonn ag plé le do chás é sin duit. Buailfidh do dhlíodóir leat sula ndéanfaidh foireann na cosanta iarratas chun tú a chroscheistiú. Beidh do dhlíodóir sa chúirt freisin nuair a inseoidh an breitheamh don chosaint cibé an bhféadfaidh siad tú a cheistiú nó nach féidir.

Má thugann an breitheamh cead tú a chroscheistiú, ní fhéadfaidh do dhlíodóir feidhmiú thar do cheann i rith an chroscheistithe féin. Mar sin féin, ba chóir don bhreitheamh a chinntiú go bhfanfaidh an fhoireann cosanta laistigh de na teorainneacha a shocraíonn an chúirt agus iad do do chroscheistiú.

24. An gcoimeádfar m'ainm faoi cheilt nuair a thugaim fianaise?

Ní féidir d'ainm a choimeád faoi cheilt de ghnáth nuair a thugann tú fianaise. Sin mar gheall de réir Bhunreacht na hÉireann ba chóir gach cás a sheoladh go poiblí mura ndéanfaidh an dlí eisceacht.

Is féidir leis sin a dhéanamh i gcás cineálacha cásanna ar leith, mar shampla:

- éigniú agus roinnt cásanna a bhaineann le cionta gnéasacha;
- cásanna ina mbíonn an cúisí faoi ocht mbliana déag d'aois.

Sna cásanna sin is féidir trialacha a reáchtáil gan an pobal i láthair. De ghnáth ní bheidh i láthair ach na daoine a bhfuil baint dhíreach acu leis an gcás. Is féidir le hiriseoirí a bheith sa seomra cúirte. I gcásanna nach mbeidh an pobal i láthair, ní féidir le hiriseoirí áfach, ainmneacha an chúisí nó an íospartaigh a thuairisciú ná ní féidir leo aon ní a scríobh a chabhródh le daoine a n-ainmneacha a aimsiú. Má sháraíonn iriseoir an riail sin beidh sé/sí ciontach i gcion coiriúil.

25. An dtabharfar ainm an té atá cúisithe go poiblí?

Is ábhar an-chasta é sin agus ní féidir cuntas iomlán ar an dlí a thabhairt i leabhrán gairid.

I roinnt cásanna níl sé indéanta ainmneacha a phoiblíú in aon chor. Mar shampla i gcásanna éignithe tá sé de cheart ag an gcúisí a ainm/hainm a choimeád príobháideach mura rud é go gciontaítear é/í. Ciallaíonn sé sin nach féidir aon rud a rá a shainaithneodh é/í roimh an fíorasc. Ní féidir duine cúisithe a fhaightear neamhchiontach a shainaithint.

Má fhaightear an cúisí ciontach, cinneann roinnt íospartach gur mian leo ainm an chúisí a phoiblíú. Go minic áfach, má ainmnítear an duine ciontach, nochaítear ainm an íospartaigh. Cé go bhféadfadh sin tarlú roghnaíonn roinnt íospartach gur mian leo go n-ainmneofaí an duine ciontach. Más mian leat sin a dhéanamh is ceart duit an méid sin a chur in iúl don aturnaí ionchúisimh agus don chúirt.

Sa chás gur íospartach tú, ba chóir duit smaoineamh go cúramach ar a mbeadh i gceist le hainmniú an té a chiontaítear duit féin, do dhaoine muinteartha leat agus don saol atá romhat sula socraíonn tú ar an mbeart le déanamh. D'fhéadfadh go mba chríonna an rud comhairle dlí de do chuid féin a fháil.

26. Sa chás gur íospartach coireachta mé, conas a fhaigheann an breitheamh agus an giúiré amach cad é an éifeacht a bhí ag an gcoir orm?

Nuair a bhíonn pianbhreith á cinneadh ag breitheamh bíonn tábhacht mhór ag an éifeacht a bhí ag an gcoir ar an íospartach. I gcásanna a bhaineann le cionta gnéasacha nó le coireanna foréigin, d'fhéadfadh go n-iarrfadh an breitheamh Ráiteas maidir le Tionchar ar an Íospartach tar éis don ghiúiré an cúisí a fháil ciontach. Cuirtear síos sa ráiteas sin ar an éifeacht a bhí ag an gcoir ortsa agus ar an éifeacht atá i gcónaí ort.

27. Sa chás gur íospartach mé, an bhfuil sé de cheart agam cúiteamh a fháil?

De réir an dlí, d'fhéadfadh ceart a bheith agat airgead a fháil i leith aon díobhála pearsanta nó cailteanais phearsanta a d'fhulaing tú de bharr an chiona. Tá roinnt teorainneacha leis sin, áfach:

- Is faoin mbreitheamh atá sé ordú don té a fhaightear ciontach cúiteamh a íoc leat.
- Ní mór don bhreitheamh a chinntiú ar dtús an bhfuil an duine in ann cúiteamh a íoc leat . Mar shampla, d'fhéadfadh an breitheamh a bheith den tuairim nárbh fhiú a ordú ar dhuine dífhostaithe cúiteamh a íoc.
- Ní bheidh an méid airgid a gheobhaidh tú níos mó ná an méid a d'fhéadfá a fháil tar éis éileamh sibhialta a dhéanamh sa chúirt chéanna.

D'fhéadfadh go n-íocfadh an Binse Cúitimh i leith Díobhálacha Coiriúla cúiteamh mar gheall ar dhíobháil phearsanta a bhíonn mar thoradh díreach ar choir foréigneach (féach mionsonraí ar leathanach 29).

Cás a achomharc

28. An féidir leis an gcúisí achomharc a dhéanamh i gcoinne an chiontaithe nó na pianbhreithe?

Is féidir leis an gcúisí achomharc a dhéanamh i gcoinne an chiontaithe nó na pianbhreithe.

Má seoladh an triail i gCúirt Dúiche, is féidir leis an gcúisí:

- achomharc i gcoinne an chiontaithe nó na pianbhreithe a dhéanamh chun na Cúirte Cuarda; agus
- athéisteacht iomlán a fháil ar an gcás, rud a chiallaíonn go mbeadh ort freastal sa chúirt arís mar fhinné.

Má seoladh an triail sa Chúirt Chuarda, sa Phríomh-Chúirt Choiriúil nó sa Chúirt Choiriúil Speisialta, is féidir leis an gcúisí achomharc i gcoinne na pianbhreithe nó an chiontaithe a dhéanamh chun na Cúirte Achomhairc Choiriúil. Sa chúirt seo:

- suíonn breitheamh den Chúirt Uachtarach agus beirt bhreitheamh den Ard-Chúirt le chéile chun an t-achomharc a éisteacht; agus
- léann na breithiúna scríbhinn den triail bhunaidh in ionad an fhianaise a éisteacht arís.

Más amhlaidh go bhfuil an cúisí sa phríosún, ní mór dó/ di fanacht sa phríosún de ghnáth fad a bhíonn sé/sí ag fanacht leis an gcás a bheith ann sa Chúirt Achomhairc Choiriúil.

29. An féidir leis an DPP achomharc a dhéanamh i gcoinne na pianbhreithe?

Is féidir leis an DPP achomharc a dhéanamh i gcoinne na pianbhreithe – ach ní féidir sin a dhéanamh ach amháin i gcás inar seoladh an triail sa Chúirt Chuarda, sa Phríomh-Chúirt Choiriúil nó sa Chúirt Choiriúil Speisialta. Ní féidir leis an DPP achomharc a dhéanamh i gcoinne pianbhreithe ón gCúirt Dúiche.

Is féidir leis an DPP a iarraidh ar an gCúirt Achomhairc Choiriúil athbhreithniú a dhéanamh ar phianbhreith a cheapann sé atá ‘ró-thrócaireach’. Ní mór don DPP athbhreithniú ar phianbhreith a dhéanamh laistigh de 28 lá ón dáta a ngearrann an breitheamh an phianbhreith. I roinnt cásanna, féadann an DPP iarratas a dhéanamh ar bhreis ama chun athbhreithniú a iarraidh ach ní rachaidh an tréimhse sin thar 56 lá ó dháta na pianbhreithe.

30. Cé hiad na daoine ar féidir leo a iarraidh ar an DPP achomharc a dhéanamh i gcoinne na pianbhreithe?

Is féidir leat a iarraidh ar an DPP achomharc a dhéanamh i gcoinne pianbhreithe má bhaineann na nithe a leanas leat:

- is íospartach coireachta tú;
- is duine muinteartha le híospartach coireachta tú;
- is dochtúir, dlíodóir nó oibrí sóisialta tú thar cearn cliant.

31. Conas a dhéanann breithiúna sa Chúirt Achomhairc athbhreithniú ar phianbhreith?

Léifidh na breithiúna sa Chúirt Achomhairc taifead i scríbhinn na trialach d'fhonn na húdair a bhí ag breitheamh na trialach le pianbhreith áirithe a ghearradh a léiriú. Ní mheasfaidh siad pianbhreith a bheith 'ró-thrócaireach' ach amháin má chreideann siad go raibh breitheamh na trialach mícheart de réir an dlí pianbhreith chomh bog sin a ghearradh.

Is léir nach n-éireoidh le hachomharc ach amháin i líon beag cásanna.

Conas teagmháil a dhéanamh le hOifig an DPP

Is féidir leat teagmháil a dhéanamh leis an Oifig mar seo a leanas:

Oifig an Stiúrthóra Ionchúiseamh Poiblí

14 – 16 Sráid Mhuirfean
Baile Átha Cliath 2
Teil: (01) 678 9222
Faics: (01) 661 0915
Láithreán Gréasáin: www.dppireland.ie

An Príomh-Atur nae Ionchúisimh

Rannán na nAtur nae
Oifig an Stiúrthóra Ionchúiseamh Poiblí
90 Sráid an Rí Thuaidh
Margadh na Feirme
Baile Átha Cliath 7
Teil: (01) 858 8500
Faics: (01) 858 8555
Láithreán Gréasáin: www.dppireland.ie

Atur nae Stáit Áitiúla

Is féidir leatsa mionsonraí teagmhála do gach atur nae stáit áitiúil ar fud na tíre a fháil ón Oifig ag (01) 678 9222 agus ar an láithreán gréasáin sin againn ag www.dppireland.ie.

Teagmhálacha úsáideacha eile

Líne Cabhrach d'Íospartaigh Choireachta

Teil: 1850 211 407

Téacs: 085 133 7711

Ríomhphost: info@crimevictimshelpline.ie

Láithreán Gréasáin: www.crimevictimshelpline.ie

Seirbhísí Tacaíochta d'Íospartaigh

Is féidir leatsa teagmháil a dhéanamh leis an Líne Cabhrach d'Íospartaigh Choireachta (féach thuas) chun mionsonraí a fháil maidir le tacaíocht sa chúirt agus seirbhísí tacaíochta eile d'íospartaigh.

An tSeirbhís Chúirteanna

Oifig Eolais

Teach an Fhionnuisce

15/24 Sráid an Fhionnuisce Thuaidh

Margadh na Feirme

Baile Átha Cliath 7

Teil: (01) 888 6000

Faics: (01) 873 5250

Láithreán Gréasáin: www.courts.ie

An Roinn Dlí agus Cirt agus Athchóirithe Dlí

94 Faiche Stiabhna

Baile Átha Cliath 2

Teil: (01) 602 8202

Faics: (01) 661 5461

Láithreán Gréasáin: www.justice.ie

Oifig Íospartaigh na Coireachta

An Coimisiún chun Tacú le Fulaingeoirí Coiriúlachta

An Roinn Díl agus Cirt agus Athchóirithe Díl

51 Faiche Stiabhna

Baile Átha Cliath 2

Teil: (01) 602 8661

Faics: (01) 602 8634

Láithráin Gréasáin: www.victimsofcrimeoffice.ie

www.csvc.ie

An Binse Cúitimh i leith Díobhálacha Coiriúla

13 Sráid Haiste Íochtarach

Baile Átha Cliath 2

Teil: (01) 661 0604

Faics: (01) 661 0598

An Bord um Chúnamh Dlíthiúil

Sráid na Céibhe


Cathair Saidhbhín

Co. Chiarraí


Teil: (066) 947 1000

Faics: (066) 947 1035

Láithréan Gréasáin: www.legalaidboard.ie



An tEagar atá ar Oifig an DPP





Innéacs

An Binse Cúitimh i leith Díobhálacha Coiriúla	29
An Bord um Chúnadh Dlíthiúil	21, 29
An cruinniú roimh an triail	18
Athbhreithniú breithiúnach	17
Aturnaetha Stáit Áitiúla	8
Cás a achomharc	24
Cionta Achoimre	10
Cionta Indíotáilte	10
Costais Finné	18
Croscheistiú	14
Fíoras	15
Físnasc	20
Giúiré	14
Leabhar na fianaise	12
Líne Cabhrach d'Íospartaigh Choireachta	17
Pianbhreith	16, 24
Ráiteas Finné	8
Ráiteas maidir le Tionchar ar Íospartach	23
Scríbhinn	19
Teistíocht	13
Toghairm Finné	12

